

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK**

Broj: 02-45-16080/25
Zenica, 06.08.2025. godine

Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), Odluke o standardima i kriterijima za imenovanja na upražnjene pozicije u reguliranim organima Grada Zenica („Službene novine Grada Zenica“, broj: 5/25), a u vezi sa odredbama člana 234. i 247. Zakona o privrednim društvima („Službene novine Federacije BiH“, broj: 81/15 i 75/21) i člana 18. i 21. Statuta Javnog preduzeća „Vodovod i kanalizacija“ d.o.o. Zenica („Službene novine općine Zenica“, broj: 5/06, 3/07, 7/07, 1/12 i „Službene novine Grada Zenica“, broj: 3/15, 6/21, 3/23, 2/24 i 4/25), u postupku izbora i imenovanja Nadzornog odbora Javnog preduzeća „Vodovod i kanalizacija“ d.o.o. Zenica, Gradonačelnik Grada Zenice objavljuje

O G L A S
za izbor i imenovanje Nadzornog odbora
Javnog preduzeća „Vodovod i kanalizacija“ d.o.o. Zenica

Objavljuje se Oglas za izbor i imenovanje Nadzornog odbora Javnog preduzeća „Vodovod i kanalizacija“ d.o.o. Zenica. Nadzorni odbor Javnog preduzeća „Vodovod i kanalizacija“ d.o.o. Zenica se sastoji od tri člana (predsjednik i dva člana). Nadzorni odbor imenuje se na period od četiri godine.

I Opis pozicije

Nadzorni odbor ima sljedeće nadležnosti: nadzire rad Uprave i poslovanje Preduzeća; priprema i predlaže Etički kodeks; Statut preduzeća, poslovničke i druge akte koje usvaja Skupština; imenuje i učestvuje u razrješavanju članova Uprave u skladu sa postupcima utvrđenim Zakonom, Statutom i drugim važećim propisima; vrši izbor kandidata Odbora za reviziju i podnosi Skupštini prijedlog za imenovanje; utvrđuje prijedlog cijene i način plaćanja komunalne usluge u skladu sa Zakonom o komunalnim djelatnostima i općinskom Odlukom o vodovodu i kanalizaciji; utvrđuje cijenu pratećih usluga koje Preduzeće obavlja; daje mišljenje Skupštini o prijedlogu Uprave za raspodjelu dobiti; daje upute Upravi za provođenje mjera i aktivnosti uočenih nepravilnosti; razmatra provedbeni propis za postupak javnih nabavki i nadzire njegovo provođenje; formira povremene komisije, utvrđuje njihov sastav i zadatke; daje ovlaštenja direktoru za aktivnosti koje su ograničene Zakonom o javnim preduzećima; nadzire Upravu u primjeni preporuka Odbora za reviziju i vanjskog revizora; podnosi Skupštini godišnji izvještaj o poslovanju koji obavezno uključuje izvještaj revizora, izvještaj o radu Nadzornog odbora i Odbora za reviziju i plan poslovanja za narednu godinu; usvaja izvještaj o poslovanju Preduzeća po polugodišnjem i godišnjem obračunu sa izvještajem revizije; donosi prijedlog trogodišnjeg plana poslovanja i usvaja godišnje planove poslovanja; odobrava kupovinu, prodaju, zamjenu, davanje u lizing, uzimanje kredita i druge transakcije imovine, u toku poslovne godine u obimu 15 do 33% knjigovodstvene vrijednosti ukupne imovine Preduzeća; odlučuje o ostalim pitanjima u skladu sa Zakonom.

Kandidati za imenovanje moraju ispunjavati:

- opće i
- posebne uslove.

II Opći uslovi za imenovanje su:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 godine prije dana objavljivanja upražnjenje pozicije,
4. da se na kandidata ne odnosi član IX.1. Ustava Bosne i Hercegovine,
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
6. da nije izabrani dužnosnik, nosilac izvršne funkcije ili savjetnik u smislu Zakona o sukobu interesa u organima vlasti u Federaciji Bosne i Hercegovine,
7. da nema privatni i/ili finansijski interes u reguliranom organu u čiji nadzorni odbor se kandiduje,
8. da istovremeno nije član nadzornog ili upravnog odbora ili odbora za reviziju ili skupštine, uprave ili menadžmenta, niti u svojstvu ovlaštene osobe drugog privrednog društva ili institucije ili agencije,
9. da nije osuđivan za krivično djelo i za prekršaj nespojiv sa dužnošću u reguliranom organu u čiji nadzorni odbor se kandiduje, pet godina od dana pravosnažnosti presude, isključujući vrijeme zatvorske kazne,
10. da nije lice kojem je presudom suda zabranjeno obavljanje aktivnosti u nadležnosti reguliranog organa u čiji nadzorni odbor se kandiduje.

III Posebni uslovi za imenovanje:

1. VSS - VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova,
2. najmanje 5 godina radnog iskustva nakon sticanja visoke stručne spreme,
3. da posjeduje rezultate ostvarene tokom poslovne karijere relevantne za obavljanje dužnosti upražnjene pozicije,
4. da posjeduje stručno znanje iz oblasti rada i organizacije javnih preduzeća,
5. da posjeduje sposobnost da savjesno i odgovorno obavlja poslove iz nadležnosti nadzornog odbora javnog preduzeća u koji se imenuje,
6. da posjeduje komunikacijske i organizacijske sposobnosti,
7. da posjeduje sposobnost nepristrasnog donošenja odluka,
8. da posjeduje Certifikat o završenom usavršavanju izdat od strane nadležnog organa u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala Vlade Federacije BiH ili izjavu ovjerenu kod nadležnog organa da će u roku od šest mjeseci od dana imenovanja proći stručno usavršavanje i steći certifikat.

IV Potrebni dokumenti:

Uz svojeručno potpisanu prijavu kandidati trebaju dostaviti:

1. kraću biografiju sa adresom i kontakt telefonom,
2. diplomu o završenom obrazovanju,
3. dokaz o traženom radnom iskustvu nakon sticanja tražene stručne spreme (potvrda iz

koje se može utvrditi radno mjesto, tražena stručna sprema za radno mjesto i dužina radnog iskustva),

4. uvjerenje o državljanstvu (ne starije od 6 mjeseci),
5. certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova nadzornog odbora i uprava privrednih društava sa učešćem državnog kapitala. Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od šest mjeseci od dana imenovanja na poziciju proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja (izjava ne smije biti starija od datuma objave ovog Oglasa).
6. izjavu kandidata ovjerenu od strane nadležnog organa o činjenicama nabrojanim u tačkama 3. do 8. Općih uslova Oglasa (sve navedene izjave mogu biti tekstualno sadržane na jednom ovjerenom listu i ne smiju biti starije od datuma objave ovog Oglasa).

Uvjerenja kojim se dokazuje ispunjenost općih uslova za imenovanje iz tačke 9. i 10. odgovorni javni službenik će zatražiti od kandidata koji budu predloženi za konačno imenovanje i ista su dužni dostaviti u roku od 5 dana od dana izbora. Uvjerenja ne mogu biti starija od datuma objavljivanja Oglasa.

Dokumenti koji se prilažu uz prijavu moraju biti originali ili ovjerene kopije.

Oglas za podnošenje prijave ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave neće se uzeti u razmatranje.

Kandidati koji ispunjavaju uslove Oglasa bit će telefonski i pismeno obaviješteni o mjestu i vremenu održavanja intervjua.

Prijave sa potrebnom dokumentacijom treba dostaviti lično na protokol Grada Zenica ili preporučeno poštom sa naznakom:

**„Prijava na Oglas za izbor i imenovanje Nadzornog odbora
Javnog preduzeća „Vodovod i kanalizacija“ d.o.o. Zenica
- NE OTVARATI“
GRAD ZENICA
Služba kabineta Gradonačelnika
- Komisija za izbor -
Trg Bosne i Hercegovine br. 6
72 000 Zenica**

**GRADONAČELNIK
Fuad Kasumović**